

فيديو ٧٧٨ من مقاطع #حظر_التجول #تدبر_سورة_المائدة -

الحلقة الثالثة الآية ٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تمنمية سبعة وسبعين من مقاطع حظر التجول والحلقة الثالثة من حلقات تدبر سورة المائدة تدبرنا في الحلقة الماضية اللي هي - [00:00:01](#)

الآية الاولى من سورة المائدة. تعالوا نقرأها تاني مع بعض ونقرأ بعدها الآية الثانية اللي احنا هنتدبرها الليلة ان شاء الله اعوذ بالله السميع العليم من الشيطان الرجيم يا ايها الذين امنوا اوفوا بالعقود - [00:00:26](#)

احلت لكم بهيمة الانعام الا ما يتلى عليكم غير محل الصيد وانتم حرم ان الله يحكم ما يريد يا ايها الذين امنوا لا تحلوا شعائر الله ولا الشهر الحرام ولا الشهر الحرام ولا الهدي ولا القلائد ولا امين - [00:00:51](#)

ولا البيت الحرام يبتغون فضلا من ربهم ورضوانا اذا حلتم فاصطادوا ولا يجرمنكم شنان قوم ان صدوك عن المسجد الحرام ان تعتدوا وتعاونوا على البر والتقوى ولا تعاونوا على اللاثم والعدوان - [00:01:31](#)

واتقوا الله ان الله شديد العقاب اما نحط الایتين جنب بعض هنجد اية بتحل وایة بتمنع احلت لكم بهيمة الانعام. والثانية لا تحل شعائر الله اية بتحل وایة لا تحل - [00:02:04](#)

يبقى طالما في اباحت يبقى هيكون فيه نهي ما هو ما فيش في الدنيا اخذ وبس لازم اخده وعطها آآ فادي اول شعور جا لي بمجرد النظر للايتين فهمنا الآية الاولى امبارح وتدبرناها - [00:02:35](#)

تعالوا بقى نتدبر مع بعض الآية الثانية النهاردة اول حاجة يا ايها الذين امنوا لا تحل شعائر الله زي الآية الاولى نفس النداء يا ايها الذين امنوا انتم اللي امتنتم اذا انتم ارتضيتم بالله ربا ومشرد - [00:02:55](#)

الآية السابقة احل لكم في الآية دية هيحرم عليكم. سمعا وطاعة يا رب. سمعا وطاعة. يا ايها الذين امنوا لا تحلوا شعائر الله. لا تتهانوا في الشعائر العبادات في سورة الحج - [00:03:20](#)

ربنا بيقول ذلك ومن يحرم شعائر الله. فانها من تقوى القلوب المسلم لازم يعظم شعيرة الصلاة. شعيرة الزكاة. شعيرة الصيام. يعني لازم يحترمها يتحدث عنها بتعظيم يحب الناس فيها. يؤديها كما يجب ان تؤدي - [00:03:40](#)

يعظم شعائر الله لكن ايضا الشعائر اصطلاح على اطلاقها على مشاعر الحج. اصطلاح يعني الناس تعودت انها تطلقها على مشاعر الحج واستخدمت بهذا المعنى في القرآن الكريم في البقرة ان الصفا والمروة من شعائر الله. فمن حج البيت او اعتمر فلا جناح عليه ان يطوف بهما. ومن تطوع خيرا فان الله - [00:04:09](#)

فشاكر عليم. فاكرين انتم تدبرناها في البقرة. لكن ان الصفا والمروة من شعائر الله يعني من العبادات التي تؤدي في الحج. فاصطلاح على تسمية العبادات بتاعة الحج شعائر طيب يبقى لا يا ايها الذين امنوا لا تحلوا شعائر الله لا تتهانوا في شعائر الحج - [00:04:43](#) لا تتهانوا في احرامكم لا تتهانوا في طوافكم لا تتهانوا في سعيكم بعض القبائل العربية كانت تعتبر الصفا والمروة مش من شعائر الله. فنزلت الآية ان الصفا والمروة من شعائر الله - [00:05:09](#)

بعض القبائل العربية ما كانتش الحاج موجود من قبل من قبل بعثة سيدنا محمد عليه الصلاة والسلام العرب كانت بتعتبر نفسها على ملة ابراهيم وان كانوا منحرفين تماما عن ملة ابراهيم. ولكن كان الحج بيؤدي الى حد كبير في شعائر يعني ملة ابراهيم -

ايضا شعائر تطلق على الحيوانات اللي بندبحها في الحج ربنا قال في سورة الحج والبدن جعلناها لكم من شعائر الله البدن جمع بدنة يعني جمل او بقرة البدن والبدن جعلناها لكم من شعائر الله لكم فيها خير. فاذكروا اسم الله عليها صواف فاذا وجبت - 00:05:42 فكونوا منها واطعموا القانع والمعتر. لما تقع على جنبها وتايهه وخلاص وتبقى دبحتوها كلوا منها واطعموا القانع وتدبرناها في ايه؟ في سورة الحج وشرحنا يعني الاية شعائر ايضا معناها ابل مشعرة - 00:06:14

يعني ابل رايحة تذبح في الحرم مهداة الى البيت الحرام فكانوا بيسعرواها. يعني بيجرحوها في السنان بتاعة الجمل له سنام اعلى حنته في السنان ده يجرحه المنطقة العالية دي فينزل الدم ويتدمر ينزل شوية دم مش كتير وينشفوا يجفوا على ضهر الجمل فيبقى الجمل مشعر - 00:06:34

بعد كده ايه شعر من الدم ده في بيان ان الجمل ده عليه عالمة او شعار بيميزه ان ده الناس تبقى عارفة ان ده رايح يذبح عند البيت الحرام مهدى الى البيت الحرام. فالناس ترحب به - 00:07:05

الجمل ده تتركه يرعى في ارضها تتركه يشرب من الماء بتاعتتها يرحب به في واحد اسمه شريح ابن ضبيعة وكان لقبه الحطم من قبيلة كبيرة اسمها قبيلة بكر ابن وائل - 00:07:20

كانوا ساكتين في اليمامة اللي هي المنطقة الشرقية اللي ظهر فيها بعد كده مسلمة الكذاب الراجل ده مع مجموعة من الفرسان راحوا المدينة ودخلوا على النبي صلى الله عليه وسلم قالوا له - 00:07:37

انت بتدعوا ليه؟ هو الحطم قال له انت بتدعوا ليه بالزبطة؟ فالنبي شرح له الاسلام فقال له طيب يعني لطيف. خليني افكر. انا اصلي ما بستعجلش في القرار بتاعي كل حاجة عندي لازم استشير الرجال - 00:07:53

اروح ارقد الرجال بتوعي بقى وخرج وهم خارجين من المدينة ما اسلموش لقوا ابل الصدقة راحوا سارقينها والصحابة لما عرفوا طلعوا وراثم ما لحقهمش السنة اللي بعدها الصحابة علموا ان الحطم ده رايح يحج. وقال ايه رايح مكة وبيسوق امامه الهدى - 00:08:06

الهدى اللي هو الهدية من البدن والجمال اللي رايحة تذبح عند البيت الحرام يطعم منها الفقراء. اصلك فلوس حرام دي بتاعة دي بتاعة الصحابة. فالصحابة قالوا الجمال دي بتاعتتنا اللي سرقها مننا السنة اللي فاتت. ازا من حقهم يطلعوا يستردوها - 00:08:31

فنزلت الاية قل لهم لا اتركوها طالما رايحة تذبح في الحرم صحيح ان من الناحية القانونية هي من حق الصحابة من حقهم يصدروها لكن ربنا بيربى في الصحابة وهم في حالة الاحرام التربوية الروحية - 00:08:48

لا تتركوا شهوة الانتقام واسترجاع الحقوق تتحكم فيكم عودوا نفسكم على الصبر واحترام شعائر الله. خاصة وان الناس اللي واكلين حكم دول محرمين ورائيحين يحجوا اتركوههم يحجوا ويدبحوا ويأكلوا الفقراء لعل الله يهديهم - 00:09:09

لعلهم يعيدوا لكم الحقوق بعد كده. ولو ما رجعوا الحقوق ابقوها اقبحوا عليهم خارجين من الحرم بعد كده وهم بعد الحج بيقبضوا عليها. لكن يعني عودوا نفسكم على السيطرة على النفس - 00:09:36

الامر الثاني هو ان الاية الاولى طلبت مننا ايه؟ يا ايها الذين امنوا اوفوا بالعقود صح حلو اويء دول ناس صحيح مشركين وحرامية كمان سرقوا منكم الايل لكن هم في حالة الاحرام - 00:09:50

متوجهين الى البيت الحرام وهم في الحرم هم في حالة عقد مع الله ليه ربنا في ال عمران قال اه في سورة ال عمران ربنا سبحانه وتعالى قال فيه ايات بينات مقام ابراهيم ومن دخله كان امنا - 00:10:12

اذا هناك عقد بين الله وبين الناس ان اللي يدخل البيت الحرام لازم يبقى امن اوفوا بالعقود اوفوا بعقد الله خدموا بالكم؟ ربنا قال اوفوا بالعقود ولم يقل اوفوا بعقودكم. اذا انتم بالرغم من انكم لا عقد بينكم وبينهم. بل انتم لكم عندهم - 00:10:44

الحقوق ومن حكم تعاقبواهم لكتهم وهم في حالة الاحرام متوجهين الى الكعبة في عقد بينهم وبين الله اوفوا بهذا العقد لانكم انتم اهل الله يا مسلمين ربنا قال للمسلمين وهم داخلين مكة - 00:11:08

مم ولا تقاتلواهم عند المسجد الحرام حتى يقاتلوكم فيه. فان قاتلوكم فقتلوهم ده في فتح مكة كذلك جزاء الكافرين. يعني المسجد الحرام لله احترام الانسان يعني ربنا بيقول في فتح مكة ولا تقاتلواهم عند المسجد الحرام حتى يقاتلوكم فيه. فان قاتلوكم فاقتلوهم - 00:11:30

فالانسان يا جماعة في المسجد الحرام بينسي قوته. ده المفروض انت تشعر بالعبودية في المسجد الحرام. شجرة المسجد الحرام لا تقطع محترم الحيوان اللي في المسجد الحرام يحترم ما يذبحش. الا الهدي لانه مهدي للبيت العتيق - 00:11:55
ربنا قال عليه هديا بالغ الكعبه حتى الحجر اللي هو اقل المخلوقات اللي ما فييش فيه حياة ربنا جعلك تقبله ولو مش قادر توصل له عشان الزحام بتسبب سلم عليه في الطواف - 00:12:18

بتسเหลمه فازا كان ده حالك في الحرم مع المخلوقات. فبالتأكيد حالك في الحرم مع الناس هو انك تكون مسالم. تنسى خلافاتك وعداءاتك عشان كده في الحج فلا رفت ولا فسوق ولا جدال في الحج ما تجادلش - 00:12:35
خلاص نرجع للایة بتاعتنا يا ايها الذين امنوا لا تحل شعائر الله ولا الشهير الحرام. ولا الهدي ولا القلائد ولا امين البيت الحرام يابتغون فضلا من ربهم ورضوانا. واذا حللتكم فاصطادوا. خل بالك هو حرم عليك الصيد وانت حرم في الایة الاولى - 00:13:00
قال لك غير محلي الصيد وانت حرم. اذا ربنا حرم الصيد اسناء الاحرام وحرم الشعائر يعني الحيوانات المشعرة اللي واضح انها رايحة تذبح في الحرم. هم. يا ايها الذين امنوا لا تحلوا شعائر الله ولا الشهير الحرام - 00:13:24

فالشعائر دي حتى لو كانت بتاعتكم ملككم لا تستحلوها. اترکوها هنا بقى قال لك ايه؟ هم لا تحل شعائر الله ولا الشهير الحرام قبل الاسلام كانت العرب تحرم القتال في الاشهر الحرم - 00:13:45
هم اربعه اربع اشهر ثلاثة سرد وواحد فرد. ثلاثة سرد ورا بعض. وواحد فرد. ذو القعده آآ وذو الحجه او ذو الحجه والمحرم ثلاثة سرد ورا بعض ورجب الفذ يعني الوحيد رجب بعدهم بخمس شهور - 00:14:05

ليه بقى الهدف كان من تحريم. ده العرب اتفقتو على كده قبل الاسلام الهدف من تحريم القتل والقتال في هذه الاشهر هو تأمين الناس في السفر في موسم الحج وموسم العمرة. لأن السفر في الجزيرة العربية كان غير امن. كان بيحصل - 00:14:29
اه اعتداءاته بيحصل اه اعتداء على القوافل وغارات بين القبائل وبعض فموسم الحج وموسم العمرة هيضرب التلاتة اللي ورا بعض دول التلات شهور دول ذو القعده اللي الناس قبل ذو الحجه بتطلع تسافر فيه تروح تحج - 00:14:54

فالناس هتخرج من مدنها وقرابها في ذو القعده وتسافر الى مكة توصل في ذو الحجه دول حجه الناس هتحج فيه. وتبدأ ترجع بلادها في المحرم الشهر اللي بعد ذو الحجه - 00:15:18

لان الناس لسه بقى في الطريق راجعين في القوافل لبلادهم البعيدة وبعد كده فوت خمس شهور وراح حرم رجب عشان الناس اللي عايزه ترجع تاني مكة تعمل عمرة فكان بيصاحب موسم الحج - 00:15:36
اسواق سوء عقال سوء مجنة سوء المجاز والاسواق دي يا جماعة عبارة عن معارض دولية. مش يقول لك معرض فرانكفورت الدولي. معرض ايه؟ مش عارف آآ الكويت الدولي معرض القاهرة - 00:15:53

دي عبارة عن معارض الناس بينزلوا فيها بضاعة ومنتجات جاية من الشام ومن اليمن ومن الهند ومن كل حتة وبيبقى فيها آآ محاضرات عبارة عن اه مسابقات في الشعر وفي الخطابة. مهرجانات ثقافية ضخمة جدا وتجارية - 00:16:11
لذلك في خلاف بين العلماء هل هذا النظام نظام الاشهر الحرم ده من تعاليم ملة ابراهيم ام هي اتفاقية اتفق عليها العرب لمصلحتهم عشان الحج والعمرة. وعشان الاسواق تتنعش والناس ما تخافش تسافر - 00:16:36

لان السفار كان خطر وبيحصل اعتداءات على القوافل زي ما قلنا. الرجل الاول بيقول لك أهذا من بقايا ملة ابراهيم. دين ابراهيم بيحتاج بالایة اللي في سورة التوبه اللي بتقول - 00:16:56
ان عده الشهور عند الله اثنا عشر شهرا في كتاب الله يوم خلق السماوات والارض. منها اربعه حرم ذلك الدين القيم فلا تظلموا فيهن انفسكم. وقاتلوا المشركين كافة كما يقاتلونكم كافة واعلموا ان الله مع المتقين - 00:17:10

اذا ده الاربعة دول الاربعة الحرم دول ده جزء من الدين الرأي الثاني بيقول لك لأ الاية ليست صريحة في ان الله هو الذي حرم هذه الشهور. الاشهر ولكن واضح ان ربنا اقر تحريم هذه الاشهر - 00:17:38

فلما ربنا يقول ان عدة الشهور عند الله اثنا عشر شهرا في كتاب الله يوم خلق السماوات والاضفار. ربنا هو اللي قسم التقسيم بتاع الزمن الى اتناسن اتناسن شهر ما قالش ان هو اللي عمل اربع شهور حرم - 00:18:00

قال لك منها اربعة حرم ذلك الدين القيم فلا تظلموا فيهن انفسكم. قال لك مين؟ قال لك ان دول الاربعة الحرم. فلا تظلموا فيهن انفسكم الشهور اللي اتناسن كلها ينفع ان ربنا يقول لك ما تظلمش نفسك في اربع شهور بانك تعتمدي على غيرك. لكن ازلم نفسك في تنانين تنانين لأن طبعا. مش مفروض الانسان يلزم نفسه اطلاقا - 00:18:16

كان ولا يتعتمدي على غيره في اي شهر ولكن لا خلاف على ان الاسلام احترم الاربعة شهور دول لأن فيهم مصلحة الناس وفيهم تقليل انا اسف تقليل من سفك الدماء - 00:18:42

واي حاجة فيها مصلحة الاسلام بيقرها الشريعة تقر على فكرة اي قانون وضعي من وضع الانسان طالما يحقق العدل والسلم والمصلحة بين الناس يعني مش صحيح ان اي قانون من صنع الناس يبقى غير شرعي مش حقيقي. لو قانون الناس اتفقت عليه يحقق العدل والمصلحة - 00:19:04

ولا يخالف مبادئ الشريعة تقره وتعتبره قانون شرعي طيب نرجع للاية يا ايها الذين امنوا لا تحلوا شعائر الله ولا الشهر الحرام ولا الهدي الحيوانات المهدأة للكعبة حتى لو مش مشعرة - 00:19:29

يعني ما فيش عليها علامات على ضهرها تدل انها شعائر مجرد انها قبل مع حاج يبقى اكيد هدي ولا القلائد جمع قلادة يعني عقد من الليف والنباتات كده كان بيتحط في رقبة البعير - 00:19:53

برضه عشان يدل ان هو من الهدي انا جبت لكم انا الصورة اهي اتفضلوا دي قلائد جمال مقلدة بقلائد فده معناها اللي بيسوق جمال زي كده قدامه انه واحد الجمال دي تذبح هدي في الحرم. فالناس - 00:20:10

تعامل كويس مع الجمال دية ترحب بها تتركها ترعى عندها. تتركها تشرب عندها ما حدش يتعتمدي على الجمال دي وهكذا طيب كمل بقى الاية يا ايها الذين امنوا لا تحل شعائر الله ولا الشهر الحرام ولا الهدي ولا القلائد. اسمع بقى ولا امين - 00:20:29

البيت الحرام بيتعفون فضلا من ربهم ورضوانا ولا الناس اللي امنين يعني متوجهين الى البيت الحرام بيتعفون فضلا من ربهم ورضوانا. رايحين يحجوا اترکوهم طالما ناس ارتدت ملابس الاحرام وساقوا الهدي لعل الله يتوب عليهم ويهديهم. حتى لو مشركين - 00:20:59

بيتعفون فضلا من ربهم ورضوانا. لو ربنا رضي عليهم عنهم وتفضل عليهم هيؤمنوا هيؤهتدوا يترکوهم وبعدين واذا حللت فاصطادوا خلي بالك بقى هو كان محرم فلما كان محرم كان محرم عليه الصيد اسنان الاحرام - 00:21:27

حتى خارج الحرم طبعا دلوقتي ربنا بيقول واذا حللت لما تتحللو من الاحرام فاصطادوا فعل امر العمر فيكم ناس راحت حجت قبل كده يا جماعة فاكرين لما بعد ما تحللنا من الاحرام طلعننا نصطاد - 00:21:47

اصطادوا ولا ما اصطادتوش؟ ده فعل امر. واذا حللت فاصطادوا الاية دي بنستدل بها ان مش كل فعل امر في القرآن بيidel على الوجوب. ولا حتى على الاستحباب يدل على الجواز يجوز - 00:22:05

اذا معنى كده لما تتحللو من الاحرام تقدروا تصطادوا الصيادين اللي فيكم يقدروا يبدأوا يصطادوا. بس خلاص خلاص اووعى تتحضر. بس انت لو كنت ما اصطادتش بعد الحقد. تفتكر ان الحج بتاعك آآ يعني مش كامل لأ كامل - 00:22:23

طيب كمل الاية اتنين كده ولا يجرمنكم شنان قوم انصدوكم عن المسجد الحرام ان تعتمدوا وتعاونوا على البر والتقوى ولا تعاونوا على اللائم والعدوان. واتقوا الله فان الله شديد العقاب. هذه الاية قمة من قمم الدعوة للعدل وعدم الاعتداء على الناس - 00:22:40

مهما كان هم مين ربنا بيقول ما تجعلوشن الكره يدفعكم للاعتداء على الناس الاسلام على فكرة ما بيأمركش انك تحب عدوك لكن بيأمرك ان ازا عدوك انت قدرت عليه ما تلزموش - 00:23:11

وخلiek عادل معه ولا يبيح لك الاعتداء على عدوك الا لو هو اعتدى عليك بمثل ما اعتدى عليك بالزبطة فربنا بيقول ولا يجرمنكم شنان قوم يعني كراهية قوم - 00:23:31

انصدوكم عن المسجد الحرام ان تعتدوا الكفار اللي اضطهدوك. وطردوكم من دياركم في مكة. وصدوكم عن العمرة لما جيتم في عام الحديبية ورجعواكم من غير ما تعلموا عمرة. ما تجعلوش الغضب اللي جواكم والكره اللي جواكم ده يجعلكم تعتدوا عليهم - 00:23:49

وعلى فكرة ربنا ما قالش الكره اللي جواه قال ولا يجرمنكم شنان قوم. يعني ما تخلوش كراهية قوم وما قلش الكريه دي منكم انت لهم ولا منهم هم لكم؟ ما قالش - 00:24:09

وارد الاثنين على فكرة. وارد ان المسلم يكره عدوه اللي بيزلمه. ووارد ان المسلم ما بيكرهش حد ولا حاجة. لكن عدو. وهو اللي بيكرهه على الاقل اكيد يعني. ربنا بيقول لك ما تخليش الكراهية - 00:24:22

سواء بقى اللي عندك او عند غيرك. شف الدقة في في الاية دي ما تخليش الكراهية دية تجعلك تعتدى ولا يجرمنكم شنان قوم انصدوكم يعني دول حتى اللي صدوكم عن المسجد الحرام. تخليلكم تعتدو. ما تعتدواش برضو - 00:24:36

اتجعلوا غضبكم وكرهكم لهم يجعلكم تعتدوا عليهم ممكن تقول بس ايه يعني هم يستاهلوا كل شر ماشي؟ لأن مسلم مش مفروض منك انت يا صدور شر ربنا اجاز لك القتال والقتال له شروط وله مكان ميدان القتال. لكن تروع الناس وارهاب الناس في الشوارع وفي الموسام - 00:24:57

الحج وغيره غير جائز المسلم لا يقوم بهذه الاشياء المؤمن يا جماعة من امن الناس من لسانه ويده ربنا بيقول لي بقى ايه كمل الاية وتعاونوا على البر والتقوى ولا تعاونوا على اللاثم والعدوان واتقوا الله ان الله شديد العقاب - 00:25:25

وتعاونوا على البر البر هو التوسع في عمل الخير. والتقوى يعني تقادي اي شيء يوقعه في المعصية يبقى نتعاون مع بعض ان احنا نمنع الاشياء اللي بتجيب معاصي ونتوسع في اعمال الخير والايده ولانقاز الناس وكده - 00:25:46

يبقى ولا تعاونوا على اللاثم والعدوان. اللاثم هو المعصية والذنوب. ما تتعاونوش مع الناس في انكم تروحوا تعملوا حاجات بتكتر المعاصي والذنوب والحفلات والمسائل والمسخرة وتسموها مش عارف ترفيه والكامل التافه ده. طيب - 00:26:06

اذا اللاثم هو المعصية والذنب والعدوان هو عدم العدل. العدوان يعني تعدى الحدود مش طبعا مش كل عقاب عدوان لكن عدم العدل في العقاب عدوان تعدى للحدود العقاب بطريقه تتجاوز حدود الشرع عدوان - 00:26:25

يبقى اللاثم عمل خلي بالك ولا تعاونوا على اللاثم اللاثم عمل والعدوان امتناع عن عمل العدل. العدوان امتناع زي ما البر عمل والتقوى امتناع خلي بالك ربنا امرنا - 00:26:46

وتعاونوا على البر عمل والتقوى عدم عمل المعصية ولا تعاونوا على اللاثم اللي هو عمل والعدوان عدم عمل العدل تمام يبقى لا ما فيش تعاون في الحاجتين في الحاجات دي. طيب - 00:27:07

اسمع بقى ان الله شديد العقاب. المقطع ده من اروع ما يمكن قعدت امبارح بصرامة وانا بتدبره يعني خبلني بجد. ان الله شديد العقاب دي تفهم بطريقتين انت ربنا منعك ان انت تروح تنتقم من وتعتدى على اللي اعتدى عليك قبل كده - 00:27:32

ممكن اخده على انه تحذير تحذير شديد للمؤمنين من الاعتداء على الكفار. حتى الكفار اللي صدوهم عن المسجد الحرام. ان الله شديد العقاب اسمع الكلام بس في نفس الوقت المقطع هو هو بيقويني عشان اقدر انتصر على نفسي وانتصر على شهوة الانتقام اللي جوايا واقدر اسيطر - 00:27:56

عليها بان انا اللي كنت هعمله فيهم كعصاب عاقبهم على الاذى اللي عملوه في ولا حاجة جنب عقاب ربنا. ان الله شديد العقاب. لو انا اطعنت الله فيهم دلوقتي ربما ربنا هو اللي يعاقبهم - 00:28:24

وربنا بقى شديد العقاب. هتركم لله يعاقبهم هو فشوف المقطع هو هو بيشتغل كتحذير وفي نفس الوقت كتحفيز لي وده يصبرني وما يخلينيش اعتدي. هل فيه اكتر من كده يعني هل بعد كل ده حد يقدر يقول ان الاسلام بيحيث على الارهاب - 00:28:44

اقول قولي هذا واستغفر الله لي ولكم. اللهم انا نسألك حبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب - 00:29:09
الينا من اهالينا واموالنا ومن الماء البارد على الطما. اللهم حببنا اليك والى ملائكتك وانبيائك ورسلك. وعبادك الصالحين واجعلنا ممن يحب ويحب ملائكتك وانبيائك ورسلك وعبادك الصالحين اللهم احي قلوبنا بحبك واجعلنا لك كما تحب. اللهم اجعلنا نحبك بكل قلوبنا ونرضيك بكل اجسادنا - 00:29:28

اللهم اجعل حبنا كله لك وسعينا كله في مرضاتك. اللهم اجعل القرآن الكريم ربيع قلوبنا ونور صدورنا وجلاء وذهب همومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم جميما - 00:30:01
اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. فبحق كل حرف في كتابك تلوناه او تدبرناه اكفنا واهلينا واخواننا شر كل من يكيد لنا ولهم. واحفظنا واياهم من شرورهم. ونجعلك الله - 00:30:23
في نحورهم فانت الوكيل ولا حول ولا قوة الا بك الله بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين اللهم سدد رميهم وخيب رمي عدوهم وتقبل شهداءهم. وكن مع اخواننا في تركستان الشرقية - 00:30:50
وفي الشام وفي كشمير وفي الهند وانصري يا رب من نصرهم واخذلي يا رب من خذلهم وطهر المسجد الاقصى من الدنس فانهم لا يعجزونك واكتب لنا يا ربنا ختم القرآن فيه. اللهم انك تعلم ان هذه القلوب قد اجتمعت على - 00:31:14

كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصرة شريعتك فوثق اللهم رابطتها. وادم ودها واهدها سبلها. واملأها بنورك الذي لا يخبو. واشرح صدورها الایمان بك وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيل - 00:31:34

انك نعم المولى ونعم النصير. وصل الله وسلام على سيدنا محمد وعلى الله وصحبه ومن تبع هداه. والسلام عليكم ورحمة الله ونراكم غدا باذن الله هذا الموعد - 00:32:04